

Finamiras da la politica d'energia

1. Producziun d'energia cun ovas idraulicas grondas

La producziun d'electricitad cun ovas idraulicas grondas (> 10 MW) vegn augmentada fin l'onn 2035 per 860 GWh/onn (basa 2011).

En il rom da concessiunaments fa il chantun sche pussaivel valair ses dretg da participaziuns, e quai en coordinaziun cun las vischnancas.

2. Producziun da novas energias regenerablas, cun ovas idraulicas pitschnas e cun implants coproductivs d'electricitad termica

La producziun d'electricitad cun ovas idraulicas pitschnas (< 10 MW) vegn augmentada fin l'onn 2035 per 600 GWh/onn (basa 2011).

3. Commerzi e distribuziun

La participaziun dal chantun a la Repower SA vegn mantegnida.

La participaziun dal chantun a la Grischelectra SA vegn mantegnida. La societad vegn rinforzada sco instrument da la politica d'electricitad dal Grischun.

Il chantun Grischun è avert per novs partenadis e per novs instruments.

4. Raits d'electricitad / segirezza dal provediment

In provediment d'electricitad segir cun ina quantitat suffizienta d'electricitad en la qualitat necessaria è garantì tras las interpresas da provediment d'electricitad.

En il sector dal transport e da la distribuziun è il dumber da gestiunaris reduci considerablmain fin l'onn 2035.

5. Effizienz en il sector d'electricitad

En il Grischun vegnan consumadas fin l'onn 2035 maximalmain 2000 GWh electricitad per onn (senza l'energia per las ovas d'accumulaziun a pumpa).

Il consum d'electricitad dals edificis chantunals è cuvri a 100 pertschient cun energias regenerablas e reduci per 20 pertschient fin l'onn 2035 (basa 2011).

6. Return a la concedanta e nov concessiunament

Las vischnancas ed il chantun fan valair consequentmain ed en moda coordinada lur dretg d'exequir il dretg da return dals implants per augmentar la valorisaziun che resulta da la forza idraulica.

Sco consequenza da ses dretg d'exequir il dretg da return dals implants è il chantun participà vi da societads d'ovas electricas cun ina quota ch'è pli gronda che l'actuala.

Il profil da scadenza da las ovas electricas che returnan a las concedantas è gulivà fin l'onn 2035 grazia a la favurisaziun da novs concessiunaments anticipads.

7. Imposiziun d'ovas partenarias

Fin l'onn 2020 pajan las ovas da producziun dapli taglias en il Grischun per lur gudogns d'interpresa.

8. Interpresas industrialas che dovran fitg blera energia

La pussaivladad da retrair electricitad per in pretsch favuraivel vegn examinada fin l'onn 2015.

9. Cleantech

En coordinaziun cun la scola auta spezialisada da la Svizra orientala èn l'instrucziun e la perscrutaziun applitgada en il sector da las energias regenerablas rinforzadas fin l'onn 2015.